

COMENTE IN SAS FOLAS

Tia cherrer chi Fada benigna
 cun toccu lezeri de ratu fioridu
 canzellet sos dolos
 chi oppriment su coro
 e... comente in sas folas
 m'ammustret su regnu fadadu
 ue... fiores de oro
 azzendent s'aera de lughe...
 ue... iscalas de seda
 m'aggiuant a pigare
 a sa chima 'e su monte
 chi toccat su chelu e si cuat
 addae de sas nues...

Tia cherrer... tia cherrer...
 ite?!... una bertula manna
 piena de alas de onzi misura...
 pro las impreare, a piaghene,
 cando s'anima si cheret pesare,
 serena, a bolare attesu attesu,
 in atteros mundos...
 a toccare cun manu
 ite los faghet lugher gai...
 a nde lis furare, a manos pianas,
 unu fasciu de rajos de lughe
 pro illuminare e pro iscaldire
 su coro attristadu, meu
 e su 'e totu sos frades,
 pro chi no' happen'a soffrire mai...

Tia cherrer... tia cherrer
 unu ratu fioridu de Fada, e,
 che Fada Benigna
 lu tia manizzare...
 comente in sas folas...

COME NELLE FAVOLE...

Vorrei che Fata benigna / con tocco leggero di ramo fiorito / cancelli i dolori / che opprimono il cuore / e... come nelle favole / mi mostri il Regno fatato / dove... fiori di oro / accendono l'aria di luce... / dove... scale di seta / mi aiutino a salire / alla cima del monte / che tocca il cielo e si nasconde / dietro le nuvole...

Vorrei... vorrei... cosa?!... / una grande bisaccia / colma di ali di ogni dimensione / per usarle, a piacere, / quando l'anima si vuole elevare, / serena, a volare lontano lontano, / in altri mondi... / a toccare con mano / cosa li fa brillare così... / a rubargli, a piene mani, / un fascio di raggi di luce / per illuminare e scaldare / il cuore rattristato, mio / e quello di tutti i fratelli / perché non abbiano a soffrir mai...

Vorrei... vorrei / un ramo fiorito di Fata e, / come Fata Benigna / lo maneggerei... / come nelle favole...